

Kepai pemituyurieni pemiyeuiyarieniki niuki tuayame, mexika hakewa miranayeneika tinaiti kemireu 'ane 'ena kwie tsie tatsiari telecomunicaciones tsiere radiodifusiones, taame tahe tsie mieme wixaritari.

Traducción: Wiyeme Salvador López

I 'iki titewati Instituto Federal de Telecomunicaciones

'iki Instituto Federal de Telecomunicaciones, pihiki tiparewiwame yuxaitá ti 'uximayati, puyu netia tiku xaatai kepai memiteka huuni kemi 'ane niuki mamamu tuaya, mexika mi tuika, tinaime piti 'iwiya, tixaiti waakareuka hiiati 'iki hetsie timieme, tsiere yetuati parewiya kiekatari memitemariekaki kiekari tsie kemitiutaine tatsiari yetuati radiodifusión tsiere telecomunicaciones.

II 'ena mekiku xaapa mitika tsie tatsiari Constitución payuka 'utua, 'ana tsiere puuné titewati Ley Federal de Telecomunicaciones y radiodifusión.

Xaapa tsie heuyutaparewieti tatsiari Constitución Política de los Estados Unidos Mexicanos, tsiere yuparewieti Ley Federal de Telecomunicaciones tsiere Radiodifusión, 'iki xeiakia tatsiari Instituto piyetuaxiani pemitu 'uximayaka 'iki tsie, taame ta kiekari tsie taame wixaritari tsiere hipati ta 'iwatirima.

III 'iki Ley piyetúa pemipitiarieniki titetewakame.

- a). piyetúa niuki wapitiati kemi 'ane mireuparewimikini yetuati yu 'uximayatsika naime 'iki parewiya, tatsiari peti 'atuati waikawa reutinkame, 'iki titi pixaata servicios telecomunicaciones tsiere radiodifusión.
- b). piyetua niuki wapitiati kemi 'ane memikumaiwa tita mitiyunaki 'erie 'iki mi yiwaweniki, tatsiari pixatatiti bandas de frecuencias.
- c). 'iki ta piyetúa wapitiati kemi 'ane memitekumaiwa tepiaate taheima miyuawi tsie memu 'uwa, 'ena paiti kwie tsie makani 'awati parewiya, miki tsie meka wiiti memite 'uximayaka 'ena kwiepa, niuki manutuayati kiekari tsie.

Tsiere piku xaata yu tsaata waikawa kepai 'iki pitariaka mireuyewetsé, tatsiari titi yunaki 'eriekame kiekatari yunaime wahe tsie mieme, miki tsie tsi mekaniereti menenutuayani 'iki mewapitiati parewiya kiekaritari 'ena mekiku memi taama yiki mete 'uniuti tsiere yiki mete 'u huti. 'iki xaatsika heutiniereti piyiane kiekatari yuyeyari memiku xaataniki, kememiteku 'eriwa tsiere tiita memite maate memiku xaataniki, tsiere 'ikitiarika tsie ti mieme, tumini tsie meka 'uti 'erieti, tsiere heuti 'erieti matsi waikawa muyuku xaataniki kememiteu hú kiekaritari, yu niuki memikaha titimaiyaniki, tinaime meteyetuati yu maiyá, kiekari kepai mireuyukuwima, 'itsikate memanu 'utiká kemeyuruwamete, xika 'aku 'ukarawetsixi watekawareuka xirieka tinaime 'iki tsie, memipitiarieniki niuki tsiere yu 'uximayatsika memanu tuayaniki. Tinaiti tsieti 'ena tineuyehake ta yeyari tsie ti mieme.

IV kepai mituyurieni pemupitiarieniki memitiparewieniki 'iki tsie.


'iki tatsiari Instituto piyetuani niuki wa pitati kemi i 'ane 'iki tsie memiteta 'uximayata, 'utiarika tsie kaniereti tatsiari ley tsie, miki maana piku xaata kepai pemituyurieni, tita petiyetuame pemiyeuiyarieni, tatsiari 'a 'uximayatsika peyetuati kiekari meutimanetsie, yikitemiteu niuka wahetsie mieme 'ena mekiku memikutei.

V pepitiuta xatiarieni kepai pemitu yurieni 'a 'uximayatsika 'aixi miranayeneniki.

piku xaata kepai pemituyurieni, 'iki 'utuarika tatsiari ley, pakataine kename titewati Instituto tiparewieni kiekatari kemi 'ane memipitiarieni tiwara xaxatiwati kepai miti 'ane, katsutime matiari paiti kepauka memita 'iwauni tsie, tsiere kepaukarí 'aixi memitekuyuruwani tsie.

VI títa pemitiyetuani, mexika kepemitiuyurieni pemi pairitiarieniki 'iki parewiya.

- Tinaiti piti 'iniarire tatsiari ketemiteu hú ta kiekari tsíe, 'iki ta xaatsika mitanaki 'eriwaki, yunaiti kiekatari xeime mepita hiawé yamitikamieniki kemiraniuwani, tita mira wawiwani, meukaxeyatikikati kepai memite 'uximaya.
- Ti naimemepititixeyatikine kememiteu 'uximayata, kepai memiteuyukuwiya, tatsiari kiekatari kemi 'ane 'iki parewiya mema 'iwawani, tinaime maana meteuye xaxatati mewa 'enieti kekatarikememaitikaní, yunaiti 'aixi 'iyari mete 'uximayati. Tsiere mana peuye haake hipati kemi áne memite hakumate 'iki tsíe memiparewieka kemi 'ane 'iki parewiya miwauká, tsiere tá
- Kepauka mititewá Instituto miyetuiriyarieni 'utuarika kiekari tsíe mieme, tinaime piti 'iniatá kename 'aku yeme 'aixireku wewiya, ti 'iniatati tinaime kiekari tsíe ti mieme hikia mireukayune, kename 'aku ta niukiki teteku xaata, mexika tseepa hipame tawarí, xeikia tahe tsíe mieme tiku xaatame, tsiere ta kekari yu hekiakaku.



CONSULTA INDÍGENA
sobre los Lineamientos para el
Otorgamiento de Concesiones

HUICHOL DEL SUR

